

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 494132 25 St
Tuzla, 24.02.2026. godine

Općinski sud u Tuzli, sudija Antonela Đaković, u postupku prethodnog ispitivanja prijedloga za otvaranje stečajnog postupka nad dužnikom "ARHAMI-TRADE" d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amaliye Lebeničnik br. 40, koga zastupa punomoćnik Rizah Uljić, advokat iz Tuzle, dana 24.02.2026. godine donio je slijedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika "ARHAMI-TRADE" d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amaliye Lebeničnik br. 40, ID: 4209447570000, MBS: 1-7229.

Za privremenog stečajnog upravnika imenuje se Amir Mujezinović iz Tuzle, ul. Armije BiH br. 13, Tuzla.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove grada Tuzla, radi upisa zabilježbe otvaranja prethodnog stečajnog postupka.

O b r a z l o ž e n j e

Predlagač "ARHAMI-TRADE" d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amalije Lebeničnik br. 40, kao stečajni dužnik podnio je dana 22.09.2025. godine ovom sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije u stanju izvršavati svoje dospjele i potraživane obaveze plaćanja u dužem vremenskom periodu.

Stečajni sudija je zakazao ročište za saslušanje predlagača za dan 04.02.2026. godine na kojem je punomoćnik predlagača izjavio da ostaje kod prijedloga za otvaranje stečajnog postupka, a kao razlog ističe platežnu nesposobnost i nemogućnost izvršavanja dospjelih i potraživanih obaveza plaćanja u dužem vremenskom periodu, te je društvo prestalo sa radom Rješenjem Općinskog suda u Tuzli broj 032-0-Reg-15-001433 od 15.09.2015. godine i Odlukom osnivača o prestanku poslovanja broj 1/25 od 17.09.2025. godine utvrđen prestanak za navedeni pravni subjekt. Osnovna djelatnost društva je bila trgovina na veliko odjećom i obućom. Račun društva je bio otvoren kod: NLB banke d.d. Sarajevo i isti je ugašen, a što sve proizilazi iz Izvještaja Centralne banke BiH broj: od 12.12.2025. godine. Privredni subjekt nije upisan kao posjednik nekretnina u katastarskom operatu, niti kao vlasnik nekretnina u Zemljišnim knjigama. Društvo nema zaposlenika. Društvo ima obaveze prema Poreznoj upravi FBIH u utvrđenom iznosu od 21.940,42 KM, dok društvo nije bilo upisano u registar obveznika indirektnih poreza. Društvo nema poslovnih jedinica.

Stečajni sudija nakon što je utvrdio da je prijedlog za pokretanje stečajnog postupka podnesen od strane predlagača i da je isti dopušten u smislu odredbe člana 58. stav 2. i 13. Zakona o stečaju postupku, rješenjem od 04.02.2026. godine naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je sudu u dvije mjesečne rate dostavio dokaz o uplati predujma za finansiranje troškova prethodnog stečajnog postupka u ukupnom iznosu od 3.000,00 KM, a zadnja uplata je izvršena 12.02.2026. godine. Imajući u vidu dostavljenu dokumentaciju i izjavu punomoćnika dužnika na ročištu za saslušanje, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Tuzli putem ovog Suda.